



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Caput 1. Didacus Boroa præfecturam init, & Socii per Tucumaniam rem
benè gerunt.

urn:nbn:de:hbz:466:1-38528

HISTORIÆ
PROVINCIAE PARAQUARIÆ
SOCIETATIS JESU
LIBER UNDECIMUS.

Deo Conceptionis Virginis sacro die, Provinciæ prefecturam auspicatò iniit Didacus Boroa, ingenti famâ sanctitatis, inde ortâ, quod supra communem modum austoritatem profiteretur, & Indorum emolumento se torum traderet. Ipse olim Calchaquinos in Tucumanâ, Guarambaræos in Paraquariâ, magnâ ope juverat: Inianenses ad Paranam, Igualuanosque constructis oppidis inclusuerat: ad Urvaicam Sancti Xaverii coloniæ fundamenta jecerat, & utriusque fluvii missionibus diu cum laude præfuerat. Ante verò partitionem Provinciæ in Chileni regno non inutiliē operam navarat. Cordubæ & in Assumptionis urbe Rectorem agens, Quichoanæ & Guaranæ lingue beneficio Indorum salutem incredibili zelo procurarat. Consentaneum igitur erat, ut qui singulas Provinciæ partes Apostolicis expeditionibus adjuverat, universæ simul virtutum splendore illustrandæ præficeretur. Quamvis verò omnes de tali Præside sibi gratularentur, præceteris tamen Indorum missionibus occupati animi lætitiam ostentabant, sperantes ministerium suum ab tanto capire vigorem hausturum. Nec eos fefellit opinio, nam prima ejus cura fuit, Indorum quaquâ latè patent immensæ propè regiones, fide Christianâ imbuere, aut imbutas aliis adjumentis procurare. Ejus auspiciis Petrus Martínes & Andreas Valera excursionem quadrimestrem, hinc quadraginta leucis ad fluminis Dulcis, inde sexaginta ad Salsi littora extenderunt, multiplices dæmonis technas variis in locis utiliter dissolventes. Multi negatâ immortalitate animarum, Atheistarum more, omnibus se viuis conspurcantes, alii solemnam debacchionum materiam nefandis titibus dæmoni consecrantes; alteri eodem incubo, aut Ariolorum operâ abutentes, pessima documenta dedocti; iisdem adnientibus sapuere. Ter mille exhomologesi, multi Baptismo expiati sunt. Itida mulier, quo se ab spurco amatore liberaret, pendens **JESU-CHRISTI** Crucifixi signum objecit, interrogans pro quo Deus in cå Cruce mortuus fuisset? respondenti, pro se, casta virago exprobavit: pudeat ergo te, tanto amori scelus velle reponere. Ægra mulier per visum spectavit ecclœstem Jerusalæm auro undique fulgentem, sed quod ignoraret Christianorum rudimentorum preces, ab ejus civitatis ingressu repulsa, ad arctam semitam deducta est, ubi eam aculeati crabrones foede lacinavâre: ne pejora ei contingenter, invocata **JESU** & **MARIA** nomina feceré. Sancti Michaëlis, Collegium non sine religiosa pacis inquietudine civibus concordiam peperit. In hujus urbis agro periculosiores turbæ Societati laudis materiam dedêre. Jucumanitam, Indorum pagum, Chilemino hostium ferociissimo duce, quadringenti Calchaquini invaserant, & cæde incolarum factâ, crematis ædibus, temploque, cum præda in suis se fines receperant. Qua de re moniti Ignatius Loiola, nostri Ordinis Sacerdos, & alter Socius, nequicquam reluctantibus Hilpanis, certum adiri vita periculum vociferantibus, ad cincturatum pagum se contulere, ubi vulneratos omnes expiavere, cadavera ritè sepeliere, & demum indemnes domum rediere. E ceteris Tucumaniaæ Collegiis, hostibus obversis, excurrì ab Sociis non potuit. Didacus tamen Boroa Provincialis, officii necessitate in totius Tucumaniaæ utilitatem versâ, afflita bello Collegia Iustrans, ingenti fructu varias adit Indorum regiones, lustratâque quadringentiarum leucarum itinere Tucumania, ad Par-

CAPUT

I.
Didaci Boroa Praefatura initium, & Sociorum per Tucumaniam gesta narrantur.

1634

Didaci Boroa commendatio.

Excursio ad fluminis Salsum & Dulcem.

Inde mulieris castitas.

Ignorantia doctrina Christianæ castigata.

Audacia Ignatii Loiolae.

Didaci Boroa fructuosi labores.

nenzia

nensia Neophytorum oppida citatissimè se contulit, Sociorum multiplices labores coram inspecturus, & Chiriguanatum expeditionem exornaturus.

CAPUT
II.
Expedicio
ad Chiri-
guanas.

Chiriguana-
rum origo.

Ferocietas.

Numerus.

convergen-
tiorum flos.

Doctores.

CHIRIGUANARUM natio est longè ferocissima, de quorum origine hæc pauca accipe. Postquam Paraquarienses Indi, ante adventum Hispanorum, Alexium Garciam (de quo suprà palam factum est) è Peruvia finibus reducem crudeliter trucidarunt, seu vindictæ metu, seu prædandi licentiâ, cum Paranensibus confederati, patrio solo deserto, eò transmigrare volueret, quò Alexio duce paulò antè perreverant. Condicto transmigrationis tempore, Paranenses factò itinere per Pilcomai fluminis proxima loca, ad eos montes, qui Taricensi Hispanorum oppido contermini sunt, pervenire: Paraquarienses verò alia viâ progressi, post immensa terrarum spatia, confedère ubi Sancti Laurentii oppidum non procul ab Guapaí littore situm visitur. Communicatis deinde consiliis, in summitatibus montium pagos suos construentes, continuis excursionibus vicina longinquaque loca tantâ pertinaciâ depopulati sunt, ut fama sit, ab Chiriguani, nescio unde eam appellationem sortitis, centum millia Indorum non integro sèculo aut occisa, aut in servitutem abacta fuisse. Primis transmigrationis fūz temporibus, his solemine erat captivorum corporibus vesci: deinde verò commercio clam cum Europæ instituto, ab esu humanæ carnis abstinentes, populos eo fine captivabant, ut mancipiorum loco divenderent: ita tamen ea commercia exercebant, ut non definerent, oblatâ occasione, ipsis Hispanis esse malefici, cum quibus multa prælia miscuerent: & eò progressa res est eorum audaciâ, ut publicè & impunè Franciscum Toletum, Peruviam Prolegem, armis lacerassent; haetenusque non desinant Tarifam, Pasmaiam, Pilaram, Tominam, Miscam, Peruviam oppida, universam denique Sanctæ Crucis in Montanis, & Tucumania Paraquariæque fines, infestare. Adeò, ut nulla natio in mediterraneis Americae Australis regionibus, Chiriguani luci cupidine instigaris, & continuo prædandi usu exercitatis, aut Hispanis terribilior, aut aliarum nationum Indis nocentior, competiatur. Quod mireris, quater mille capita solummodo olim transmigrasse fama est: sed postmodùm captivis ad suos mores conformatis, & progenie factâ, numero aucti, extra montes suos dilatari, longè latèque cum suo nomine terrorē sparserunt. Ad hanc gentem Christo domandam nulla ars hastenüs profuerat; frustra remedia omnia Peruvia Episcopi tentaverant: frustra Emmanuël Ortega, vir planè Apostolicus, ante triginta annos face Evangelicâ tenebrâ gentis dissipare conatus fuerat: frustra Martinus Del Campo, concivis & propinquus meus, necnon ali Collegii Sanctæ Crucis in Montanis Socii, desideria in domandis feris hominibus intenderant; adeò ut tanquam desperata salutis ab multis retrò annis fermè desererentur. Donec hâc, de qua scribimus tempestate, Francisco Diazstano, in Chuquisacensi urbe res Paraquariæ apud Senatum Regium procuranti, occurserent aliquot Chiriguanae, significantes non ægrè populares suos Fidem Christianam capessituros, si Societatis Sacerdotes, Guaranz lingue periti, ad eos irent. Quâ re cognitâ, Didaci Torres Paraquariæ Ex-provincialis, in eadem urbe versantis, auspiciis (qui ab Gusmano homine prædivite magnam pecunia summam, & annum quingentorum aureorum censem, pro ea milione impetrârat) Franciscus Diazstano cum alio Sacerdote animos gentis tentaturus, in Chiriguanatum terras ire ausus est. Ex qua expeditione id relatum est, ut Didacus Torres ad Præpositum Generale scriberet, videri sibi è re Christiana futurum, si duo Socii, in Paraquariensis missionibus exercitati, in Peruviam mitterentur, ex professo Chiriguanarum saluti operam navaturi. Igitur postquam accessit Generalis voluntas, & Nicolai Durandi Mastrilli Peruviae Provincialis, necnon Senatus Regii, idem agitantium, literæ reddita sunt, Didacus Boroa Provincialis nihil satius habuit, quam ut ad Paranam se conferret, Socios tantæ expeditioni idoneos electurus. Inter ambientes Petrus Alvares magnis per Paranam, Urvaicam & Tapeniem regionem laboribus perfunditus, necnon Ignatius Martines, in Guairania, Itatinensi & Tapensi provinciis clarissimus, electi sunt; qui è Tapenibus oppidis viam lexcentarum leucaruū molientes, eo quo discesserant anno,

Chiriguana-